

ԳՐԵՏԱ ՄՆԱՑԱԿԱՆՅԱՆ

ՓԻԼԻՍՈՓԱՅԱԿԱՆ ՏԵՐՄԻՆՆԵՐԻ
ԻՍԱՍՏԱԲԱՆՈՒԹՅՈՒՆԸ ԳՐԱԲԱՐՈՒՄ

Թարգմանչաց դպրոցի գործունեության ընթացքում (V դար) ձևավորված փիլիսոփայական տերմինները, պայմանավորված տվյալ ժամանակաշրջանի լեզվա-քերականական մոտեցումներով, զգալի շերտ են ներկայացնում գրաբարի բառային կազմում, որ կարոտ է համակողմանի ուսումնասիրության:

Հայտնի է, որ «փիլիսոփայական բնույթի բնագրերի՝ թարգմանությանը առաջին անգամ հայ թարգմանիչները հանդիպեցին Աստվածաշնչում...», և միևնույն ժամանակ «...այն չէր կարող բավարարել գիտական փիլիսոփայական մտքի պահանջները, թեկուզ փիլիսոփայական տերմինոլոգիայի ստեղծման առումով»²:

Լեզուն մշտապես շարժման մեջ է, և «լեզվական յուրաքանչյուր միավոր լեզվի զարգացման ընթացքում կրում է իմաստի, ձևի ու գործառնության փոփոխություններ, որոնց հետևանքով փոփոխվում է բառի կազմը, իմաստը, նաև՝ բաղադրիչների փոխհարաբերությունները»³: Սրանով պայմանավորված՝ փիլիսոփայական տերմինաբանության բնությունը պետք է սկսել գրաբարից: Լեզվի զարգացման հենց այս շրջանում փիլիսոփայական միտքը փորձում էր հունարենից տերմիններ պատճենել, երբեմն դիմում էր նկարագրական եղանակին՝ ելնելով տեքստի բովանդակությունից:

Նման հնարավորություն ընձեռում էին գրաբարի հարուստ բառապաշարն ու բառակազմական միջոցները. կային, անշուշտ, դժվարություններ,

*Փիլիսոփայական բնույթի մի շարք աշխատություններ զգալի դեր են ունեցել հայ փիլիսոփայական տերմինաբանության ձևավորման և զարգացման գործում, ինչպես՝ Ե. Կողբացու «Եղծ աղանդոց»-ը, Մ. Մաշտոցի «Յաճախապատում ճառք»-ը, Ագաթանգեղոսի «Պատմութիւն հայոց»-ը («Գրիգոր Լուսավորչի վարդապետությունը» հատվածը), Փ. Երրայեցու («Յաղագս նախախնամութեան», «Վասն լինելութեանն», «Լուծմունք ելիցն» և այլն), Պլատոնի («Տիմոն», «Փեդոն», «Ետիփրոն», «Մինովս»), Արիստոտելի («Ստորոգութիւնք», «Յաղագս մեկնութեան»), Պորփյուրի («Ներածություն») երկերի թարգմանությունները, Դ. Անիադի («Մահմանք իմաստասիրականք»-ը և Արիստոտելի «Ամալիտիկայի» մեկնությունը և այլն:

¹ Արևշատյան Ս. Ս., Հայոց գրերի ստեղծման պատմական պատճառները և հին հայկական թարգմանությունները, Ե., 1964, ԲՄ, N 7, էջ 68:

² Նույն տեղում:

³ Աղայան Է. Բ., Բառաքնական և ստուգաբանական հետազոտություններ, Ե., 1974, էջ 7:

որոնք հիմնականում կապված էին փոխառյալ տերմինների իմաստային դրսևորումների հստակեցման հետ:

Այս հարցում մեծ ծառայություն մատուցեցին «Նոր բառգիրք Հայկազեան լեզուի»՝ աշխատության հեղինակները, որոնք բառարանում զետեղեցին գրաբարի գրեթե բոլոր բառերը՝ վկայված գլխավորապես 5-11-րդ դարերի հայ մատենագրության մեջ:

Այս հոդվածում անդրադարձել ենք հին հայերենի տերմինների իմաստաբանական քննությանը, փորձել ենք դրանք խմբավորել ըստ իմաստային-թեմատիկ խմբերի (կամ շարքերի): Այս կարգի ուսումնասիրությամբ մենք նպատակ ենք ունեցել ցույց տալ փիլիսոփայական տերմինների հիմնական իմաստագործական շրջանակները գրաբարում, որը միաժամանակ կարող է համեմատական խարիսխ դառնալ պատմական քննության համատեքստում:

Այս առումով մախ պետք է խմբավորել փիլիսոփայական տերմիններն ըստ համապատասխան ճյուղերի, առանց որի հնարավոր չէ պատկերացնել փիլիսոփայությունն այդ ժամանակաշրջանում: Այսօրինակ դասակարգումը ճանաչողական նշանակություն ունի՝ տվյալ տերմինն իր ոլորտում տեսնելու և ըմբռնելու առումով:

Գուաբանական տերմինները վերաբերում են կեցությանը՝ իր երկու ոլորտներով՝ սուբյեկտիվ և օբյեկտիվ: Առաջինը կապված է մարդու հոգևոր աշխարհի, երկրորդը՝ նյութական ողջ իրականության հետ: Ինչպես՝

անորոշ-անսահմանական

ապագայ

Աստված

բացարձակ

բնութիւն

գոյ

գոյացութիւն

է

էութիւն

ինքնութիւն

հաւիտենականութիւն

յատկութիւն

նիւթ

որակ և այլն:

Իմագաբանական տերմիններն արտացոլում են այն երևույթները, որոնք կապվում են բնության ճանաչողության հիմնախնդիրների, գիտելիքի և իրականության հարաբերության համընդհանուր պրոբլեմների հետ: Այն, այսպես կոչված, արտացոլման տեսություն է: Իմացաբանական տերմիններ են՝

արհեստ

բաղիտհական

ընդունակ

իմացութիւն

Նոր բառգիրք Հայկազեան լեզուի, երկասիրութիւն երից վարդապետաց յաշակերտութենէ Մեծից Մխիթարայ արքաօր՝ Հ.Գաբրիէլի Աւետիքեան, Հ. Խաչատրոյ Սիւրմէլեան, Հ. Մկրտչի Ազերեան, հ.հ. Ա, Բ, Վնետիկ, 1836-37:

Գոյաբանություն՝ օնտոլոգիա: Այս տերմինն առաջացել է հունարեն «όντως» («եական») և «λόγος» («ուսմունք») բառերից:

Իմացաբանություն՝ գնոսեոլոգիա: Տերմինն առաջացել է հունարեն «γνώσις» («իմացություն») և «λόγος» («ուսմունք») բառերից:

բանական
բացերևութիւն
գիտութիւն
երևակայութիւն
զգայութիւն
գորութիւն

հմտութիւն
ճանաչում
ճշմարտութիւն
նախագիտութիւն
ներմտութիւն
տրամախոհութիւն և այլն:

Տրամաբանական՝ տեղմինները վերաբերում են մտածողության օրենք-ներին ու ձևերին, գիտական ճանաչողության օրինաչափություններին, ինչպես՝

առաջարկութիւն
բաժանումն
բաղդատական
բաղկացութիւն
բաղիաւաքումն
տեսակագոյն

սեռ
սեռական
սեռականագոյն
վերլուծականք
տեսակ
տրամաբանական և այլն:

Բարոյագիտությունը՝ մարդու վարքի կանոնների և նորմերի ամբողջակա-նությունն է, որով ղեկավարվում են հասարակության անդամները (մարդիկ): Բարոյագիտական տերմիններ են՝

ազատութիւն
անոթխածութիւն
անձնիշխանութիւն
առաքինութիւն
արդարութիւն
այլն:

ընտրողութիւն
նախանձ
ներանձնական
ներշնչական
տրամադրութիւն և

Յոգեբանությունն՝ ուսումնասիրում է մարդու հոգեկան գործունեությունը կամ հոգեկան ակտիվությունը: Յոգեբանական և փիլիսոփայական տերմինների կապը նույնպես սերտ է, ինչպես՝

անձնաւորութիւն
զգայութիւն
ըմբռնումն
ինացութիւն

խառնուածք
հմտութիւն
հոգի
պատճառաբանութիւն

այլն:

Կրոնական- աստվածաբանական՝ տերմինները կապվում են մի կողմից հավատի վրա հիմնված պատկերացումների, համոզմունքների, գաղափարների հետ, մյուս կողմից ներկայացնում են տվյալ կրոնի դավանաբանության համա-

*Տրամաբանություն՝ լոգիկա: Տերմինն առաջացել է հունարեն «λογικά» բառից:
Բարոյագիտություն՝ եթիկա: Տերմինն առաջացել է հունարեն «ἔθος» («ավանդութիւն», «կարգ», «բարքեր») և «λόγος» («ուսմունք») բառերից:
*«Յոգեբանություն» հասկացությունն առաջացել է հունարեն «πνεύμα» և «λόγος» («ուսմունք») բառերից:
Կրոն. լատիներեն՝ «religio»: «Աստվածաբանությունն» առաջացել է հունարեն «θεός» և «λόγος» («ուսմունք») բառերից:

կարգը: Մեր ընտրանքում եղած տերմինների շարքում հանդիպեցին հետևյալները՝

բաղադանութիւն

հաւատ

բան

հոյս

բնութիւնակից

միասնականութիւն

իսկակցութիւն

ոգի և այլն:

Գեղազիտական՝ տերմիններն արտացոլում են մարդու զգայական վերաբերմունքը շրջապատի, աշխարհի նկատմամբ: Գեղազիտական տերմիններ են՝

արվեստ

ներդաշնակութիւն

զեղեցիկ

ողբերգական

ճարտասանութիւն

վեհ և այլն:

Քաղաքագիտական՝ տերմինները վերաբերում են քաղաքականությանը և քաղաքական հարաբերություններին, ինչպես՝

ինքնական

կամակցութիւն

ինքնիշխան

հատումն

լծակցութիւն

օժանդակ և այլն:

Սիւս սրանք են փիլիսոփայական տերմինների գործառական ոլորտները, որոնք միաժամանակ ներկայացնում են իմաստային-թեմատիկ խմբերը գրաբարում:

Դեռևս գրաբարում փիլիսոփայական տերմինահամակարգում առկա էին բազմիմաստության, հոմանշության, համանունության երևույթներ, ինչը «*հասկացություն-տերմինների անկայունության և անորոշության*» վկայությունն էր: Մինչ օրս տերմինաբանությունը հստակեցման կարիք ունի դրանք չեզոքացնելու առումով, թեպետ ինչքան էլ փորձենք մեկ հասկացությանը մեկ անուն տալ, վերջնական եզրագծին հասնելը շատ դժվար է:

Հայտնի է, որ բազմիմաստ բառերն ունեն մեկից ավելի իմաստներ. սա վերաբերում է նաև տերմիններին: Մեջբերենք մի քանի վկայություններ, ինչպես՝ «...*Բնութիւն բառը շատ հաճախ գործածվում է բնութիւն, բնականն, երրորդութիւնից մեկը իմաստներով, երբեմն՝ տարր, տարերք իմաստներով, գոյ բառը էական, գոյ (ի հակառակ չգոյ ծնի) հասկացությունները նշանակելու համար: Էականը նշանակելու համար, բացի նրանից գործածվում են արարած, էականք, գոյացեալ տերմինները: Իսկ գոյացութիւն տերմինն ունի նաև գոյի, կեցութեան իմաստ:*»

*Գեղազիտություն՝ էսթետիկա: Տերմինն առաջացել է հունարեն «αισθητική» և «λογος» («ուսմունք») բառերից:

†Առաջացել է հունարեն «πολιτική» բառից («պետություն կառավարելու արվեստ»):

‡Արեշամյան Ս.Շ., *Формирование философского науки в древней Армении* (5-6 вв.), Е., 1973, էջ 132.

Մարմին հասկացությունը նշանակվում է մարմին, մարմնաւոր, տարր, տարրաւոր տերմիններով: Ընդ որում «տարր»-ը հաճախ գործածվում է տարր, տարրերը իմաստներով³» և այլն:

Առանձնացնենք ևս մի քանի բազմիմաստ փիլիսոփայական տերմիններ, ինչպես՝

Անհատական. 1. Անբաժանելի: 2. Անհատնում:

Բաղադրութիւն. 1. Բաղկացութիւն: 2. Միաւորութիւն:

Դրութիւն. 1. Բաղադրութիւն: 2. Ստորասութիւն:

Խելանտութիւն. 1. Հմտութիւն: 2. Սակացութիւն, գիտութիւն: 3. Իմաստութիւն:

Կարողութիւն. 1. Զօրութիւն: 2. Հնարաւորութիւն:

Իմացողութիւն. 1. Իմացում: 2. Հասողութիւն: 3. Ըմբռնում:

Տրամախոհութիւն. 1. Ստածութիւն, 2. Խորհուրդ, 3. Միտք և այլն:

Մի շարք տերմիններ միևնույն բովանդակությունն արտահայտում են տարբեր բառերով, որոնք ունեն հոմանշային հարաբերություններ:

Հոմանիշ փիլիսոփայական տերմինները ներկայացնում ենք ըստ հարաբերակից անդամների քանակի: Մեր ընտրանքում եղած փիլիսոփայական տերմինների շարքում հանդիպեցին երկանդամ, եռանդամ, քառանդամ, հնգանդամ, բազմանդամ հոմանշային շարքեր, ինչպես՝

ա) Երկանդամ հոմանիշներ

ազդողական-ներգործական

բանաւորութիւն-բանականութիւն

գոյ-գոյակ

եղծում-ապականութիւն

ենթակայութիւն-ենթակացութիւն

մակացութիւն-գիտութիւն

միտք-բանականութիւն

պառճառ-սկիզբ և այլն:

բ) Եռանդամ հոմանիշներ

ազատութիւն-ազատականութիւն-անձնիշխանութիւն

Աստված-է-արարիչ

բանական-իմացական-մտաւոր

խոհականութիւն-իմաստութիւն-մտածութիւն

հիւղէ-ճիւթ-տարր

մշտնջենաւորութիւն-յարակայութիւն-յարատւութիւն

շնչական-զգայական-կենդանական

ողջախոհութիւն-ժուժկալութիւն-պարկէշտութիւն

ստորասացութիւն-ստորասութիւն-առասացութիւն

տրամաբանութիւն-տրամախօսութիւն-բանական և այլն:

գ) Քառանդամ հոմանիշներ

Ոչինչ-անգոյ-չգոյութիւն-անգոյութիւն

հակադրութիւն-հակակայութիւն-ներհակութիւն-հակառակութիւն

³ Նույն տեղում:

որակ-որակութիւն-որպիսութիւն-տեսակ
տրամախոհութիւն-մտածութիւն-միտք-բանականութիւն և այլն:

դ) **Յնգանդամ հոմանիշներ**

էութիւն-իսկութիւն-բնութիւն-ինքնութիւն-գոյացութիւն և այլն:

ե) **Բազմանդամ հոմանիշներ**

Հաւաքումն-բաղիւստումն-շարաքանութիւն-հաւաքաբանումն-հաւաքա-
բանութիւն-հետեւաբանութիւն-հաւաքականն-հաւաքականութիւն և այլն:

Փիլիսոփայական տերմինները կարող են ցուցաբերել հականշային
հարաբերություն՝ ընդ որում թե՛ հակադրական, թե՛ ժխտական: Ինչպես՝

ա) **Հակադրական հականիշներն** արտահայտում են միմյանց հակադիր
իմաստներ: Փիլիսոփայական տերմինների շարքում հաճախ կարելի է այսպիսի
հակադրություններ ցույց տալ, ինչպես՝

անհրաժեշտութիւն-պատահականութիւն

առաքինութիւն-արատ

արտաքին-ներքին

բարի-չար

բացարձակ-հարաբերական

գոյացական-պատահական

էութիւն-երևոյթ

ընդհանուր-մասնաւոր

հավերժական-ժամանակաւոր և այլն:

բ) **Ժխտական են** կոչվում այն հականիշները, որոնցից մեկը ժխտում,
բացասում է մյուսի ցույց տված հատկանիշի առկայությունը, ինչպես՝

բանական-ոչ բանական

գոյ-չգոյ-անգոյ-ոչ գոյ

էութիւն-ոչ էութիւն-չէութիւն

կատարելի-անկատարելի-ոչ կատարելի

մշտնջենաւոր-ոչ մշտնջենաւոր

շնչաւոր-անշնչաւոր

պատճառ-անպատճառ

օգտակար-անօգտակար և այլն:

Համանուն փիլիսոփայական տերմինների շարքում հանդիպում են
լիակատար համանուններ, ինչպես՝

ազգ1- «ժողովուրդ»

ազգ2- «տեսակ»

բնութիւն1- «էութիւն»

բնութիւն2- «բնաւորութիւն»

գոյութիւն1- «գոյակ»

գոյութիւն2- «էութիւն»

գոյութիւն3- «անձնաւորութիւն»

իմացումն1- «իմանալը»

իմացումն2- «խորհուրդ»

հասարակ1- «սովորական»

հասարակ2- «ընդհանուր»

հարացոյց1- «նախատիպ»

հարացոյց2- «նախագիտութիւն»

որակ1- «որպիսութիւն»

որակ2- «տեսակ» և այլն:

Մեր ընտրամքում եղած փիլիսոփայական տերմինների հոմանշային, հականշային, համանունական շարքերի ուսումնասիրությունը փաստում է, որ վերջիններս պարզ, ածանցավոր, բարդ և բարդաածանցավոր կազմություններ են, ընդ որում փոքրաթիվ են պարզ տերմինները, ինչպես՝ Աստված, է, գոյ, պատճառ, սկիզբ և այլն, գերակշռում են ածանցավոր կազմությունները՝ -ական, -աւոր և հատկապես՝ -ութիւն վերջածանցներով բաղադրված ձևերը, ինչպես՝ ազատութիւն, բանականութիւն, բնաւորութիւն, ժամանակաւոր, իմացական, ինքնութիւն, մշտնջենաւոր, մտածութիւն, շնչական և այլն, ածանցներ, որոնք իրենց կենսունակությունը չեն սպառել նաև արդի հայերենում: Հանդիպում են նաև ան-, չ- և հունաբան դպրոցի ստեղծած՝ ենթ-, բաղ-, բաց-, ընդ-, հակ-, մակ-, մախ-, ներ-, ստոր-, տրամ- նախածանցներով կազմված ձևերը և այլն:

Կարելի է առանձնացնել նաև բայահիմք ունեցող տերմինները, որոնք նույնպես որոշակի տեղ են զբաղեցնում, ինչպես՝ առասացութիւն, գոյացութիւն, իմացութիւն և այլն:

Ավելացնենք նաև, որ փիլիսոփայական տերմինները հիմնականում գոյականներ են, ինչպես՝ ազատականութիւն, բաղիւսաբումն, բանականութիւն, եղծումն, լութիւն, հակադրութիւն, միտք, որակ, տրամաբանութիւն և այլն: Հանդիպում են նաև ածականներ, ինչպես՝ բացարձակ, ընդհանուր, ժամանակաւոր, իմացական, կենդանական, հավերժական, մտաւոր, պատահական և այլն: Իսկ եթե ուշադրություն դարձնենք բարդ տերմիններին, ապա կնկատենք, որ ըստ բաղադրիչների խոսքիմասային պատկանելության՝ հանդիպում են հետևյալ կաղապարներով կազմությունները՝ գոյական+գոյական՝ անձն+իշխան (ութիւն), մակբայ+գոյական՝ յար+ա+կայ (ութիւն), մակբայ+բայահիմք՝ յար+ա+տն (ութիւն), ածական+գոյական՝ ողջ+ա+խոհ (ութիւն) և այլն:

Հայտնի է, որ «ոչ»-ը գրաբարում կարող էր կիրառվել որպես գոյական, մակբայ և վերաբերական: Մեզ հանդիպած փիլիսոփայական տերմինների մեջ այն ժխտական մասնիկի դեր է կատարում՝ հավասարաթիւ լինելով ան-, չ- նախածանցներին, ինչպես՝ գոյ-չգոյ-անգոյ-ոչ գոյ և այլն:

Անշուշտ, մեկ հոդվածի շրջանակներում հնարավոր չէ սպառել փիլիսոփայական տերմինների քննությունը գրաբար լեզվավիճակում: Այնուամենայնիվ, մեր ձեռքի տակ եղած տերմինների իմաստաբանական քննությունը վեր է հանում գրաբարում դրանց իմաստային-թեմատիկ խմբերը, խմբերից յուրաքանչյուրի իմաստագործական շրջանակները, մյուս կողմից՝ բացահայտում է տերմինների ձևախմբատային խմբերը՝ ներկայացնելով դրանց հոմանշային, հականշային և համանունական դրսևորումները: